

P. 696, L. 5【足一指】《法華經演義》卷6：「足一指者。非手足之足。乃具足之足也。能然手指。或然一節。或然兩節。或然三節。三節乃具足一指也。故曰『乃至足一指』。若手足之足。豈有然足之指以供佛乎。」(X33, p. 277b3-6)《法華經大成》卷8：「指有三節。足一指者。三節俱焚也。能然手指。是燒一節也。愚謂即手一指。足一指。無不可也。」(X32, p. 520c3-4)

P. 696, L. 8【大佛頂經】《首楞嚴經》卷6：「若我滅後，其有比丘發心決定修三摩地，能於如來形像之前，身然一燈、燒一指節，及於身上爇一香炷，我說是人無始宿債一時酬畢，長揖世間，永脫諸漏，雖未即明無上覺路，是人於法已決定心。」(T19, p. 132b13-18)

P. 696, L. -5【開小夏以大夏】《梵網經合註》卷6：「西域大小異居。大乘即依菩薩戒次而坐。小乘即依比丘戒次而坐。今大小雜居。則誦菩薩戒時。方依大乘戒次。誦比丘戒時。仍依僧臘。不得以大奪小。故釋籤云。菩薩在小乘眾。還依小乘戒次而坐。在大乘眾。則依大乘戒次而坐也。又其人先受比丘戒。後受菩薩戒者。即用比丘戒臘為菩薩戒臘。以受菩薩戒時。則比丘戒一切轉成無盡戒體故。若其人先受菩薩戒。後受比丘戒者。於大乘中。則依菩薩戒次。於小乘中。仍依比丘戒次。不得以菩薩戒臘。作比丘戒臘。以菩薩戒。非關住持僧寶數故。故輔行云。若先小後大。則開小夏以大夏。若先受大。後受律儀。在小則依小。在大則依大也。」(X38, p. 682b11-23)《重治毗尼事義集要》卷11：「故知在小乘眾。還依小乘位次而坐。在大乘眾。則依大乘位次而坐。又輔行云。若先小後大。一切轉為無盡戒體。若先受大。後方出家。欲在大比丘數。而不失菩薩法者。則更受律儀。但於一切發得身口清淨防非律儀。無作戒體不復發也。故涅槃中五篇七聚。並是出家菩薩律儀。又若先小後大。則開小夏以大夏。若先受大。後受律儀。在小則依小。在大則依大。(文)此不易之論也。」(X40, p. 439a11-18)

P. 696, L. -5【先大後小何心而受】《法華經三大部補注》卷10：「若依涅槃經意。應用『扶律談常』之心。故云：若先受大。後方出家更受律儀。如涅槃中。五篇七聚並是出家菩薩律儀。若依法華之意。則用『為實施權』之心。亦應須云：先小後大。則用『開權顯實』之心。」

P. 696, L. -4【先小後大開小乘遮不】《法華經三大部補注》卷10：「如燒身臂指。小乘律部遮而斷之。大乘梵網開而不禁。故知：先小後大。定開小乘遮矣。又亦應云：先小後大。遮小乘開。如三種淨肉。小乘所開。大乘則遮。此如楞嚴、涅槃等說。」

P. 696, L. -4【先大後小遮菩薩開不】《法華經三大部補注》卷 10：「先大後小。在大則大。於菩薩戒實無所遮。在小則小。從權暫遮。實不遮也。以元知大為究竟故。」

P. 696, L. -2【一身之中二體同異】《法華經三大部補注》卷 10：「先小後大。則小乘戒體轉為大乘戒體。先大後小。則但於一切發得身口清淨。若無作戒體不復發也。大小戒體。如前後注之。」

P. 696, L. -2【大乘於小取益從何】《法華經三大部補注》卷 10：「大乘小者。為欲引導令入大故。又復習小以助大故。為施權故。為扶律故。既不失小益。又從大。大乘若乃撥無二乘亦為犯戒。若乃讀於外道典籍為伏彼故。亦不犯戒。又諸大乘不許習近小乘外道者。恐人一向失菩提故。若習小助大。有何不可。」

P. 696, L. -1【小誦於大招損誰測】《法華經三大部補注》卷 10：「菩薩戒云：若受菩薩戒。不誦此戒者。非佛種子。故知不受大戒不得誦矣！例如不受小戒。亦不得誦也。今受小者而誦大戒。實自招損。然雖招損。誰能測知。良由此土大小咸迷。西方不爾。大小元分。然四依出世。必大小俱弘、權實相融。名報佛恩也。言來種者。佛意欲令分起行故。為菩提故。為利他故。伏煩惱故。隨照了故。厭生死故。達文字故。遠眷屬故。為乘急故。為俱急故。無希望故。遠名利故。亡彼我故。折僞慢故。敬求者故。不請友故。請加被故。讚他說故。遠離諍故。離戲笑故。得如是等二十法已。略可微為信行乘種。若不爾者。為種實難。」(X28, p. 324a9-b21)

P. 696, L. -1【未受大戒不宜盜聽】書玉《梵網經菩薩戒初津》卷 8：「第四十二為惡人說戒戒二…『若佛子。不得為利養故。於未受菩薩戒者前。若外道惡人前。說此千佛大戒。邪見人前。亦不得說。除國王。餘一切不得說。是惡人輩。不受佛戒。名為畜生。生生不見三寶。如木石無心。名為外道。邪見人輩。木頭無異。』不得二字。貫於下文。前明不解經律。不得為利妄授。此言能解經律。亦不得為利濫說也。其外道惡人。不信三寶誹謗大乘。邪見之輩隨外道唱和。易生反復。…此千佛所傳大戒。非未發菩提心者及外道惡人之所堪聞。以其非器故。…是故惟除國王。其餘一切無信之人。及未受千佛大戒者前。不得說也。涅槃經云。昔十五日僧布薩時。有一童子在隱屏處盜聽說戒。金剛力士以杵碎之。身如微塵。是知為師者不可不慎也。是惡人輩者。總結上文外道惡邪之類也。謂不別善惡賢愚。故如畜生。不受千佛大戒。失菩提種子。故於生生之處。不見三寶。雖處人倫。不知歸向出世大道。故如木石無心。從迷至迷。六根昏塞。故如木頭無異。如是等人。向之說者。非惟不曉。復生訛謗。故不應說也。」(X39, p. 163a22-c6)